

UGOVOR O NABAVCI ROBE
Kompjuterska oprema

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Kupac)
ID: 4200494560007

i

2. ODAVIĆ d.o.o., ul: Vojvode Sindelića 54, 89101 Trebinje, koga zastupa direktor Blagomir Odavić (u daljem tekstu: Prodavac)
ID broj: 4401355530000
Broj transakcijskog računa: 1610200005330054 otvoren kod Raiffeisen bank dd Sarajevo

Ovaj Ugovor se zaključuje na osnovu Odluke broj: 0101-7618-7/18 od 08.02.2019. godine o izboru najpovoljnijeg ponuđača i dodjeli ugovora, koja je donesena nakon provedenog OTVORENOG POSTUPKA, za koji je dana 28.12. 2018. godine na Portalu javnih nabavki BiH, objavljeno Obavještenje o nabavci broj: 999-1-1-185-3-68/18.

I. PREDMET UGOVORA

Član 1.

Predmet ovog Ugovora je nabavka robe:

Kompjuterska oprema (u daljem tekstu: Roba) za potrebe i po zahtjevu Kupca, u svemu prema Tenderskoj dokumentaciji broj: 0101-7618-3/18 od od 27.12. 2018. godine (u daljem tekstu: Tenderska dokumentacija) i ponudi Prodavca broj: 1-19/18 od 17.01. 2019. godine (u daljnjem tekstu: Ponuda Prodavca), koje čine sastavni dio ovog Ugovora.

II. CIJENA

Član 2.

(1) Ukupna cijena predmeta ugovora:

41.250,52 KM bez PDV-a

(slovima: četrdesetjednahljadadvijestotinepedeset KM i 52/100)

48.263,11 KM sa PDV-om

(slovima: četrdesetosamhiljadadvijestotinešezdesetri KM i 11/100).

- (2) Cijene Robe obuhvataju sve troškove (carine, takse i ostale dažbine) do isporuke Robe na adresi krajnjeg korisnika Kupca (paritet: DDP krajnji korisnik na naznačenoj destinaciji),
- (3) Ugovorena cijena iz stava (1) ovog člana je fiksna i neće se mijenjati tokom perioda realizacije ovog Ugovora.

III. ROK I NAČIN PLAĆANJA

Član 3.

- (1) Ugovorne strane su saglasne da će Kupac izvršiti plaćanje preuzete Robe u roku od 30 (trideset) dana od dana prijema potpisane i ovjerene fakture od strane Prodavca.
- (2) Prodavac je dužan da uz fakturu dostavi otpremnicu, potpisan „Zapisnik o kvantitativnom i kvalitativnom prijemu Robe“ .
- (3) Prodavac dostavlja fakturu sa prapatnom dokumentacijom na Pisarnicu Univerziteta u Sarajevu, Obala Kulina bana 7/II, 71000 Sarajevo.
- (4) Plaćanje se vrši po dospjeću na transakcijski račun Prodavca, odnosno podugovarača (ako Prodavac ima namjeru da dio ugovora podugovaranjem prenese na podugovarača i ako je predviđeno direktno plaćanje podugovaraču).

IV. MJESTO ISPORUKE ROBE

Član 4.

Mjesto isporuke Robe je:

-Univerzitetski tele-informatički centar (UTIC), Zmaja od Bosne 8 (Objekat 33), Kampus Univerziteta u Sarajevu.

V. ROK ISPORUKE ROBE

Član 5.

- (1) Prodavac se obavezuje da će isporuku Robe izvršiti jednokratno i to u roku od 20 (dvadeset) kalendarskih dana od dana potpisivanja ovog Ugovora.
- (2) Dinamika instalacije i konfiguracije Robe biće naknadno utvrđena od strane Kupca, u skladu sa planom realizacije ovog Ugovora.
- (3) Ukoliko se pojave nepredviđene okolnosti i slučajevi koji onemogućavaju isporuku Robe u roku iz stava (1) ovog člana, Prodavac je dužan da pismenim putem obavijesti Kupca odmah, a najkasnije 48 (četrdesetosam) sati nakon pojave nepredviđenih okolnosti, kako bi Kupac cijeneći nastale okolnosti, mogao da razmotri eventualnu mogućnost produženja ugovorenog roka.

VI. NAČIN ISPORUKE/PRIJEMA ROBE

Član 6.

- (1) Prodavac je dužan da isporuči Robu, koja je nova, nekorištena i u originalnom pakovanju.
- (2) Prodavac je dužan da isporuči Robu, koja zadovoljava sve tražene uslove u pogledu tehničke specifikacije i kvaliteta.
- (3) Isporučka Robe podrazumijeva dopremanje i istovar Robe u mjestu isporuke.
- (4) Prodavac se obavezuje da prilikom isporuke Robe Kupcu preda originalnu dokumentaciju sa tehničkim karakteristikama Robe, te korisničku dokumentaciju neophodnu za instaliranje, korištenje i održavanje Robe.

Član 7.

- (1) Prilikom isporuke Robe, uobičajeni pregled i kontrolu isporučene Robe (kvalitet i kvantitet) kao i dokumentacije predate uz robu, izvršiće predstavnik/ci Kupca.
- (2) Ukoliko se konstatuje da isporučena roba odgovara zahtjevima navedenim u Tenderskoj dokumentaciji i Ponudi Prodavca, sačinjava se „Zapisnik o kvantitativnom i kvalitativnom prijemu robe“, koji obostrano potpisuju predstavnici Prodavca i Kupca.
- (3) Ukoliko predstavnik/ci Kupca, prilikom isporuke Robe konstatuje/u da isporučena Roba ne odgovara zahtjevima iz Tenderske dokumentacije (tražene tehničke karakteristike i kvantitet) i Ponudi Prodavca ili ustanovi/e bilo kakav nedostatak na isporučenoj Robi (neispravna, oštećena roba i sl.), odbit će prijem takve Robe, o tome sačinjavaju zapisnik o reklamaciji i dostavljaju ga Prodavcu, najkasnije u roku od 3 (tri) kalendarska dana od dana isporuke, a Prodavac se obavezuje da Kupcu o svom trošku isporuči drugu robu istih ili boljih karakteristika bez nedostatka ili da utvrđene nedostatke u kvalitetu i/ili kvantitetu otkloni najkasnije u roku od 3 (tri) kalendarska dana od dana prijema zapisnika o reklamaciji.
- (4) Ukoliko Prodavac u ostavljenom roku ne isporuči drugu robu bez nedostataka, odnosno ne otkloni nedostatke, Kupac ima pravo da raskine ovaj Ugovor i zahtijeva naknadu štete o čemu pismeno obavještava Prodavca.

Član 8.

Ako se nakon primopredaje Robe pokaže neki nedostatak na Robi koji se nije mogao otkriti uobičajenim pregledom, Kupac je dužan da o tom nedostatku pisanim putem obavijesti Prodavca, odmah, odnosno u roku od 24 (dvadesetčetiri) sata od dana otkrivanja nedostatka.

VII. UGOVORNA KAZNA

Član 9.

- (1) Ukoliko Prodavac svojom krivicom ne isporuči Robu u roku utvrđenom u člana 5. ovog Ugovora, a ne radi se o višoj sili, Prodavac se obavezuje da Kupcu plati ugovornu kaznu u visini od 0,2 % od ukupne ugovorene cijene Robe, za svaki dan kašnjenja, a najviše 5 % (pet posto) od ukupno ugovorene cijene Robe.
- (2) Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.
- (3) Prodavac neće platiti ugovornu kaznu ako dokaže da nije kriv za kašnjenje u isporuci Robe. Prodavac će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za kašnjenje.
- (4) Kupac neće moći naplatiti ugovornu kaznu ukoliko je do kašnjenja došlo usljed više sile.
- (5) Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.
- (6) Ukoliko je zbog kašnjenja Prodavca u isporuci robe Kupac pretrpio štetu koja je veća od iznosa ugovorne kazne, Kupac može, umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.
- (7) Ugovorna kazna iz stava 1. ovog člana počinje da se računa od prvog narednog dana od dana isteka ugovorenog roka i računa se do dana ispunjenja ugovorene obaveze, a najduže do dana u kome vrijednost obračunate ugovorne kazne dostigne 5 % (pet posto) od ukupno ugovorene cijene robe u KM bez PDV-a.
- (8) Pravo Kupca na naplatu ugovorne kazne ne utiče na pravo Kupca da zahtijeva naknadu štete.

VIII. OBAVEZE KUPCA

Član 10.

(1) Kupac se obavezuje da:

- Prodavcu odredi termin za isporuku Robe;
- izvrši pregled i preuzimanje isporučene Robe, bez nedostataka (predstavnik/ci Kupca);
- da plati fakturu za isporučenu Robu, koja je u skladu sa zahtjevom Kupca, na način i rokovima utvrđenim ovim Ugovorom;
- vрати Prodavcu Garanciju za uredno izvršenje ugovora na način utvrđen ovim Ugovorom i Tenderskom dokumentacijom;

(2) Forma garancije za uredno izvršenje ugovora je sastavni dio ovog Ugovora.

IX. OBAVEZE I ODGOVORNOSTI PRODAVCA

Član 11.

Prodavac se obavezuje da:

- isporuči Robu na mjestu i u roku utvrđenom ovim Ugovorom, koja odgovara zahtjevima i kvalitetu utvrđenom Tenderskom dokumentacijom, u skladu sa Ponudom Prodavca;
- riješi eventualne reklamacije Kupca potpisane od strane ovlaštenog predstavnika Kupca;
- izvrši sve radnje neophodne da Roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme Robe za prijem;
- kvalitetno i uredno izvrši ovaj Ugovor u skladu sa nalogima Kupca, važećim propisima; pravilima i standardima struke za ovu vrstu posla, štiti prava i interese Kupca, te ga obavještava o toku realizacije ovog Ugovora;
- snosi sve rizike do konačnog prijema Robe u mjestu isporuke;
- ispostavi fakturu za isporučenu Robu
- u roku od 10 (deset) dana od potpisa ovog Ugovora Prodavcu dostavi bankovnu garanciju za uredno izvršenje ugovora

Član 12.

Prodavac odgovara za kvalitet isporučene Robe, saglasno propisima i standardima koji regulišu predmetnu oblast i uslovima za njenu proizvodnju i promet.

X. GARANCIJA

Član 13.

(1) Prodavac daje garanciju Kupcu da Roba odgovara u svemu tehničkim normativima i važećim propisima.

(2) Prodavac garantuje funkcionisanje i tehničke karakteristike Robe i odgovoran je za sve eventualne nedostatke i defekte na isporučenoj Robi.

(3) Garantni rok za isporučenu Robu traje minimalni vremenski period koji je zahtijevan od strane Kupca u Tenderskoj dokumentaciji u Obrascu za cijenu ponude i teče od dana isporuke Robe.

Član 14.

- (1) U garantnom roku Prodavac se obavezuje da odmah započne sa zamjenom ili popravkom i otklanjanjem kvarova i nedostataka na isporučenoj Robi, i to na način i u rokovima utvrđenim u Tenderskoj dokumentaciji u Obrascu za cijenu ponude, koja čini sastavni dio ovog Ugovora.
- (2) Prodavac preuzima neispravnu i vraća popravljenu Robu u mjestu isporuke Robe.
- (3) Prodavac će u garantnom roku obezbijediti servisiranje, odnosno otklanjanje kvarova na Robi. Servis se realizuje kroz ovlaštene servise proizvođača.
- (4) U garantnom roku zamjene, popravke, otklanjanje kvarova i nedostataka na isporučenoj Robi padaju na teret Prodavca.
- (5) Ukoliko Prodavac ne bude u mogućnosti da započne otklanjanje kvarova i nedostataka u roku utvrđenom Tenderskom dokumentacijom, od dana prijema obavještenja od strane Kupca, Kupac ima pravo da sam otkloni nedostatke ili da ovaj posao povjeri trećem licu, o trošku Prodavca.
- (6) Na popravljene i zamjenjene dijelove Robe, garantni rok počinje teći od dana izvršene popravke ili zamjene.
- (7) Garantni rok se produžava za period koliko je trajalo otklanjanje nedostataka ili kvarova Robe.

XI. GARANCIJA ZA UREDNO IZVRŠENJE UGOVORA

Član 15.

- (1) Prodavac je obavezan da preda Kupcu original neoštećenu i neprobušenu Garanciju za uredno izvršenje ugovora u vidu neopozive Bezuslovne bankarske garancije, plative na prvi poziv na iznos od 10 % od vrijednosti ovog Ugovora u KM bez PDV-a, i to prije podnošenja zahtjeva za naplatu sredstava, odnosno sa fakturom, čiji je rok važenja 30 (trideset) dana po isporuci i instalaciji Robe, odnosno do ispunjenja ugovorenih obaveza Prodavca.
- (2) Potpisom ovog Ugovora Prodavac daje svoju bezuslovnu saglasnost Kupcu da može realizovati Bezuslovnu bankarsku garanciju u slučaju da Prodavac ne izvrši svoje ugovorene obaveze, koje se odnose na rok isporuke, kvalitet i kvantitet isporučene Robe, kao i u slučaju da ne izvrši druge obaveze utvrđene ovim Ugovorom.
- (3) Bezuslovna bankarska garancija će se čuvati kod Kupca sve do ispunjenja ugovorenih obaveza Prodavca, a ako ne nastupi nijedan od slučajeva koji bi zahtijevao realizaciju Garancije za uredno izvršenje ovog Ugovora, ista se vraća Prodavcu.
- (4) U slučaju da Prodavac jednostrano raskine ovaj Ugovor, Kupac ima pravo da realizuje Bezuslovnu bankarsku garanciju, kao i da zahtijeva naknadu troškova nastalih provođenjem novog postupka javne nabavke.
- (5) U slučaju da Bezuslovna bankarska garancija nije dostavljena ili je oštećena (bušenjem i sl.) ili nije dostavljena na način utvrđen Tenderskom dokumentacijom i u roku koji je odredio Kupac, ovaj Ugovor će se smatrati apsolutno ništavim.

XII. VIŠA SILA

Član 16.

- (1) Nastupanje više sile oslobodja od odgovornosti Ugovorne strane za kašnjenje u izvršenju ugovorenih obaveza.
- (2) O datumu nastupanja, trajanju i prestanku više sile, svaka Ugovorna strana je dužna da bez odlaganja, a najkasnije u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (pismeno, telefax i sl.)
- (3) Kao slučajevi više sile smatraju se prirodne katastrofe, požar, poplava, eksplozija, transportne nesreće, odluke organa vlasti, štrajk i drugi slučajevi koji se u momentu zaključenja ovog Ugovora nisu mogli predvidjeti i nisu prouzrokovani činjenjem, odnosno nečinjenjem nijedne od Ugovornih strana.

XIII. ROK VAŽENJA UGOVORA

Član 17.

Ovaj Ugovor se zaključuje na određeno vrijeme i važi od dana potpisivanja do isteka garantnog roka.

XIV. KONTAKT

Član 18.

Kupac i Prodavac su saglasni da će se sva korespondencija u vezi sa izvršenjem ovog Ugovora i praćenje izvršenja ovog Ugovora voditi putem ovlaštenih osoba za kontakt:

Ugovorna strana	Kontakt osoba	Kontakt telefon	Elektronska pošta
Kupac	Blagomir Odavić	(059) 272-010	b.odavic@info-centar.net
Prodavac	Sanel Sefet	(033) 560-240	sanel.sefer@utic.unsa.ba

XV. RASKID UGOVORA

Član 19.

- (1) Pravo na raskid ovog Ugovora zadržavaju obje Ugovorne strane.
- (2) Ukoliko Prodavac ne izvrši ugovorene obaveze u roku i na način utvrđen Tenderskom dokumentacijom i ovim Ugovorom (napr. isporučena Roba ne odgovara zahtjevima iz Tenderske dokumentacije u pogledu tehničkih karakteristika, kvaliteta i kvantiteta), Kupac će Prodavcu ostaviti naknadni primjereni rok za izvršenje obaveza, u kojem slučaju se Prodavac ne oslobađa obaveze plaćanja ugovorne kazne iz člana 9. ovog Ugovora.
- (3) Ako Prodavac ne izvrši ugovorene obaveze na zadovoljavajući način ili ih ne izvrši ni u ostavljenom naknadnom primjerenom roku, Kupac će dostaviti pismenu obavijest Prodavcu o raskidu ugovora sa razlogom raskida ugovora i to 15 (petnaest) dana prije raskida.
- (4) Ugovor se raskida, uz obavezu Prodavca da Kupcu nadoknadi štetu koju je pretrpio zbog neispunjenja ugovorenih obaveza.

XVI. POVJERLJIVE INFORMACIJE

Član 20.

Ugovorne strane su saglasne da sve informacije koje Prodavac sazna u vezi sa vršenjem obaveza utvrđenih ovim Ugovorom imaju status strogo povjerljivih poslovnih informacija i neće biti ni pod kojim uslovima saopštavane trećim licima, izuzev uz pisanu saglasnost Kupca.

XVII. ZAVRŠNE ODREDBE

Član 21.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 22.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 23.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 24.

(1) Ovaj Ugovor stupa na snagu kada ga potpišu i ovjere ovlaštene predstavnici Ugovornih strana.

(2) Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 25.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA KUPCA
Rektor

Prof. dr. Rifat Škrijelj

Broj: 0101-7618-8/18

Sarajevo, 04.03.2019

ZA PRODAVCA
Direktor

Broj: 8.01/19

Datum, 9.03.2019